



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Quòd gratia deuotionis, humilitate & suiipsius abnegatione acquiritur. XV.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

438 DE IMITATIONE CHRISTI
Domine manere mecum, ego volo libenter esse tecum. Hoc est
totum desiderium meum ut cor meum tibi sit unitum.

CAPVT XIV.

De quorundam deuotorum ardenti desiderio, ad corpus Christi.
VOX DISCIPVL I.

Psal. 30.

1. O quam magna multitudo dulcedinis tuae Domine, quam
abscondisti timentibus te. Quando recordor deuotorum
liquorum ad sacramentum tuum Domine, cum maxima deuoti-
one & affectu accendentium; tunc saepius in me ipso confundor &
erubesco; quod ad altare tuum & sacræ communionis mensam,
tam tepide & frigidè accedo. Quod ita aridus & sine affectione
cordis maneo. Quod non sum totaliter accensus coram te Deo
meo, nec ita vehementer attractus & affectus, sicut multi deuoti
fuerunt; qui præ nimio desiderio communionis & sensibili
cordis amore, à fletu se non potuerunt contineare; sed ore cordis &
corporis pariter, ad te Deum fontem viuum medullitus inhabi-
tant; suam esuriem non valentes aliter temperare nec satiare nisi
corpus tuum cum omni iucunditate & spirituali auditate ac-
cepissent.

Lxx. 24.

2. O vera ardens fides eorum, probabile existens argumentum
sacræ præsentia tuae. Isti enim veraciter cognoscunt Dominum
suum, in fractione panis; quorum cor tam validè ardet in eis, de
Iesu ambulante cum eis. Longè est à me saepè talis affectus & de-
votio, tam vehementis amor & ardor. Esto mihi propitius Iesu bo-
ne dulcis & benigne; & concede pauperi mendico tuo, vel interdu
modicum de cordiali affectu amoris tui, in sacra communione
sentire. Ut fides mea magis conualescat, spes in bonitate tua pro-
ficiat; & charitas semel perfectè accensa, & cælestè manna ex-
perita nunquam deficiat.

3. Potens est autem misericordia tua, etiam gratiam desidera-
tam mihi præstare; & in spiritu ardoris, cum dies beneplaciti tui
venerit, me clementissime visitare. Etenim licet tanto desiderio
tam specialium deuotorum tuorum non ardeo, tamen de gratia
tua illius magni inflammati desiderij desiderium habeo, orans &
desiderans omnium talium feruidorum amatorum tuorum parti-
cipem me fieri, & eorum sancto consortio annumerari.

CAPVT XV.

*Quod gratia devotionis, humilitate & suipscis abne-
gatione acquiritur.*

VOX DILECTI.

3. O portet te devotionis gratiam instanter querere, desidera-
ter petere, patienter & fiducialiter expectare, gratanterro-
cipere,



cipere, humiliter conseruare, studiosè cum eo operari; ac Dco terminum & modum supernæ visitationis, donec veniat, committere. Humiliare præcipue te debes, cùm parum aut nihil deuotionis interius sentis; sed non nimium deiisci, nec inordinate contristari. Dat sepe Deus in vno breui momento, quod longo negauit tempore. Dat quandoque in fine, quod in principio orationis distulit dare.

2. Si semper citò gratia daretur, & pro voto adesset, non esset infirmo homini bene portabile. Propterea in bona spe & humili patientia, expectanda est deuotionis gratia. Tibi tamen & peccatis tuis imputa, cùm non datur, vel etiam occultè tollitur. Modicum quandoque est, quod gratiam impedit & abscondit; si tamen modicum & non potius grande dici debeat, quod tantum bonum prohibet. Et si hoc ipsum modicum vel grande amoueris, & perfectè viceris, erit quod petisti.

3. Statim namque, vt te Deo ex toto corde tradideris, nec hoc vel illud pro tuo libitu seu velle quaesieris, sed integrè te in ipso posueris, vnitum te inuenies & pacatum; quia nil ita bene sapiet & placebit, sicut beneplacitum diuinæ voluntatis. Quisquis ergo intentionem suam, simplici corde sursum ad Deum leuauerit, sequè ab omni inordinato amore seu despiciētia cuiuslibet rei creatræ euacuauerit, aptissimus gratiæ percipiendæ ac dignus deuotionis munere erit. Dat enim Dominus ibi benedictionem suam, vbi vasa vacua inuenierit. Et quātò perfectius in simis quis renuntiat, & magis sibi ipfi per contemptum sui moritur; tanto gratia celerius venit, copiosius intrat, & altius liberum cor eleuat.

4. Tunc videbit, & affluet, & mirabitur, & dilatabiliter cor eius in ipso, quia manus Domini cum eo, & ipse se posuit totaliter in manu eius usque in sæculum. Ecce sic benedicitur homo; qui querit Deum in toto corde suo, nec in vanum accipit animam suam. Hic in accipiendo sacram Eucharistiam, magnam promeretur diuinæ vñionis gratiam, quia non respicit ad propriam deuotionem & consolationem, sed super omnem deuotionem & consolationem, ad Dei gloriam & honorem,

CAPVT XVI.

Quod necessitates nostras Christo aperire & eius gratiam postulare debemus.

VOX DIS CIPVL I.

1. O Dulcissime atque amantissime Domine, quem nunc deuote desidero suscipere; tu scis infirmitatem meam & necessitatem.

Eccl. 4.

ratem.